



SIM Svartasmåget miljøsentral
Meatjønnsv. 43
5412 Stord

Sakshandsamar::
Gøsta Hagenlund 5764 3121

Inspeksjonsrapport: Inspeksjon ved SIM Svartasmåget miljøsentral

Kontrollnummer: 2020.408.I.FMVL

Kontaktpersonar ved inspeksjonen:

Frå verksemda:

Malvin Andahl, Lars Halleraker, Janne Hillersøy

Frå Fylkesmannen i Vestland:

Gøsta Hagenlund og Hallvard Hageberg

Frå Stord brann og redning:

Ragnhild Vad

Frå Fitjar brann og redning:

Tore Nesbø

Resultat frå inspeksjonen

Denne rapporten gjeld resultatet frå inspeksjon ved SIM Svartasmåget miljøsentral den 8.10.2020. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Fylkesmannen i Vestland og brann og redningsetatane fann 1 avvik og ga 3 merknader under inspeksjonen.

Avvik:

1. Lagring av EE-avfall er ikkje forsvarleg

Merknad:

1. Opplæring av tilsette for handtering av branntilløp bør betrast
2. Deteksjon/varsling av brann på kontorbygget manglar
3. Det står ein stender i brannkum

Oppfølginga etter inspeksjonen er nærare omtalt på side 3.

Elektronisk dokumentert godkjenning, utan underskrift

Gøsta Hagenlund
sjefingeniør

Toril Mulen
seniorrådgjevar

Kopi til: Stord kommune
Fitjar kommune
Stord brann og redning
Fitjar brann og redning

1. Informasjon om den kontrollerte verksemda

Ansvarleg eining

Namn: SIM Svartasmåget miljøsentral	
Organisasjonsnr.: 973793268	Eigd av: 958284837
Bransjenr. (NACE-kode): 38.210	

Kontrollert eining

Namn: SIM Svartasmåget miljøsentral	Anleggsnr.: 4615.0042.02 (ordinært avfall) 4615.0010.05 (deponi)
Kommune: Fitjar	Fylke: Vestland
Anleggsaktivitet: -	
Løyve gitt: 29.6.09	Sist endra: 30.11.18

2. Bakgrunn for inspeksjonen

Tilsynet er del av ein landsomfattande tilsynsaksjon med brannar i avfallsanlegg. Målet med aksjonen er å redusere brannar og miljøverknadene av brannar i avfallsanlegg ved å kontrollere at verksemdene arbeider forsvarleg med førebyggjande arbeid for å hindre at brann oppstår, og å redusere miljøverknadene om brann oppstår.

Miljødirektoratet og Direktoratet for samfunnssikkerhet og beredskap (DSB) koordinerer aksjonen. Miljødirektoratet og fylkesmannen fører tilsyn med forureiningslova og tilhøyrande forskrifter, medan brann- og redningsvesenet fører tilsyn med krava i brann- og eksplosjonsvernlova og forskriftene om brannførebygging og handtering av farleg stoff. Internkontrollforskrifta er heimla i begge lovene.

Tilsynet er gjennomført i medhald av forureiningslova § 48, brann- og eksplosjonsvernlova § 13 og forskrift om farleg stoff § 23.

Inspeksjonstema

- Styringssystem, kompetanse og risikoanalysar
- Om avfallsfraksjonane, under dette farleg avfall, vert oppbevart forsvarleg og brannsikkert
- Brannsikkerheit i byggverk, produksjon, transportmiddel eller annan innretning
- Plikt til å unngå forureining og løyve frå Fylkesmannen

Rapporten gjeld avvik og merknader som vart påvist under inspeksjonen. Han gir ingen fullstendig tilstandsvurdering av miljøarbeidet miljøstatusen eller det brannførebyggjande arbeidet til verksemda.

Avvik frå forureiningsregelverket innan andre tema som vart påvist under synfaringa er også omtalt i rapporten.

Definisjonar

Avvik: Manglande etterleving av krav fastsette i eller med heimel i lov.

Merknad: Eit tilhøve som tilsynsetatane meiner det er nødvendig å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknader, kan også inngå her.

3. Oppfølging etter inspeksjonen

SIM Svartasmåget miljøsentral pliktar å rette opp avvika som er omtalte i denne rapporten så snart som råd. For at Fylkesmannen og Stord brann og redning skal kunne avslutte saka, ber vi om at de innan **1.mars 2021** sender ei skriftleg utgreiing som viser kva tiltak som er gjennomførde eller planlagde.

Vi ber også om at verksemda innan same dato sender inn ei kort utgreiing av korleis merknader er vurderte, eventuelt korleis dei vil verte følgde opp.

Vi ber om at de stiler svarbrev eller e-post (fmvlpost@fylkesmannen.no) til Fylkesmannen i Vestland v/Gøsta Hagenlund og til Stord brann og redning (post@stord.kommune.no) ved Ragnhild Vad.

4. Vedtak om gebyr

Vi viser til informasjon og varsel om gebyrplikt som vart gitt til verksemda den 25.9.20. Verksemdar skal betale gebyr for kontrollar utførte av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemdar etter forureiningslova er fastsette i forureiningsforskrifta §§ 39-7 og 39-8.

På bakgrunn av venta ressursbruk må SIM Svartasmåget miljøsentral betale eit gebyr på kr 13 300,- for inspeksjonen, jf. forureiningsforskrifta §§ 39-7 og 39-8. Dette svarer til gebyrsats 4 for tilsyn som varar inntil ein dag. Miljødirektoratet vil sende dykk ein faktura for innbetaling til statskassa. Fylkesmannen viser elles til forureiningsforskrifta kapittel 39 om innkrevjing av gebyr til statskassa.

Klagerett

Vedtaket om gebyr kan klagast på til Miljødirektoratet, jf. § 28 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men skal sendast via Fylkesmannen i Vestland. Fylkesmannen vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følge, vil for mykje innbetalt beløp bli refundert.

5. Innsyn

Denne rapporten vil vere offentleg tilgjengeleg via postjournalen til Fylkesmannen i Vestland (jf. offentleglova).

6. Avvik

Avvik 1 Lagring av EE-avfall er ikkje forsvarleg

Avvik frå: Avfallsforskrifta § 11-5, § og vedlegg 4, pkt. 1 bokstav d) og g) og § 1-8, løyvet pkt. 1.2

Kommentarar til regelverket:

Alt farleg avfall i verksemda må lagrast forsvarleg. Det inneber mellom anna som minimum at farleg avfall må lagrast skilt frå anna avfall, kvar avfallstype må lagrast for seg under tak og på fast dekke med oppsamling av eventuell avrenning.

Avviket er basert på følgande observasjonar:

Verksemda lagrar større einingar av EE-avfall ute (komfyr, kjøleskap m.m.). Lagringa skjer på asfaltert flate som har avrenning til sluk. Sluket er truleg kopla på overflateavrenninga. Lagringa inneber ein fare for forureining (mellom anna frå korrosjon eller lekkasje av flytande miljøgifter).

7. Merknader

Merknad 1 Opplæring av tilsette for handtering av brannstilløp bør betrast

Kommentarar:

Dei tilsette bør ha meir opplæring og brannøvingar, for å kunne handtere betre eit eventuelt brannstilløp i startfasen.

Merknad 2 Deteksjon/varsling av brann på kontorbygget manglar

Kommentarar:

Det bør vera ei form for deteksjon/varsling av brann på hovudbygget (kontorbygg).

Merknad 3 Det står ein stender i brannkum

Kommentarar:

Stender i brannkum må fjernast

8. Dokumentunderlag

Lovgrunnlaget for inspeksjonen var:

- Lov om vern mot forurensningar og om avfall (forureiningslova)
- Forskrift om begrensning av forurensning (forureiningsforskrifta)
- Forskrift om gjenvinning og behandling av avfall (avfallsforskrifta)
- Forskrift om systematisk helse-, miljø- og sikkerhetsarbeid i virksomheter (internkontrollforskrifta)
- Brann- og eksplosjonsvernlova
- Forskrift om brannførebygging

- Forskrift om farleg stoff

Framlagd dokumentasjon som vart nytta for å verifisere faktiske tilhøve:

- Brannkart Svartasmoget
- Risikovurdering brann på deponiet m.m.